

quam, quia humiditas illa contraria est viscosis, & adhaesionem impedit.

Tempore etiam variat coctura. Aestate enim magis coquuntur, vel olei minus additur, ne ob humiditatem nimiam diffluant & calore solvantur. Hyeme minus coquuntur, quia ipsorum consistentia dura, aeris frigiditate conseruatur.

Simplicior emplastri forma est, cum omissis glutinosis & viscidis, plus cerae cum oleo liquatur, ut pulueres excipiat. Fiunt etiam ex farinis, succis, pulueribus, mucilagibus, absque cera. Oportet enim Pharmacopœum emplastra reponere, partim, quod quaedam magno artificio parentur; quæ si iis egeamus, non ita cito recte parantur:

partim quod quaedam tantummodo certis temporibus conficiantur; ut sunt emplastra ex succis herbarum. Accedit etiam, quod emplastra non facile antiquitate corrumpantur. Sunt autem emplastra communiter in officinis vsitata, diachylon simpl. quod tumores duros emollit & discutit. Idem præstat diachylon magnum, quod potentius est, è mucilagine seu diachylon compos. ad idem valet; verum etiam abscessus maturat. Sic etiam emplastrum de meliloto, quod omnes dolores hepatis, lienis, ventriculi lenit, sic etiam tumores emollit & discutit. Emplastrum diuinum mollit etiam, doloribus frigidis thoracis, scapularum medetur.

Oxycroceum, ab aceto & croco dictum, mollit, discutit, lenit, dolores iuncturarum, & quæ circa periostium sunt, tollit. Emplastrum contra rupturam, adstringit, repercutit, fluxiones intercipit.

Q

De

*Emplastrorum
catalogum
vide apud
C. Celsum
lib. 5. c. 19.
Aegin. l. 7.
c. 17.*